


正補
紫溪詩鈔

特 259

34

348

7



始



#254

398

#1924
308

存心
命詩



觀海



禹惜寸陰陶分陰。漢土美談傳到今。聖主
賢臣猶如此。箴規誰不起仰欽。秦西人士
曾有語。由來光陰是黃金。寄語諸生日三
復。孜孜須養惜陰心。

時記念日即吟

紫瀾

藤谷

哲



補紫瀾詩鈔

紫瀾 藤谷哲太郎著

古梅


綴珠奇古勢。槎牙。雪月從茲趣更嘉。別有一枝直如矢。超然不傲萬橫斜。

池谷觀海曰 自有寄托

竹內峴南曰 一讀清秀即見作者肝膽

早春偶得

姑射梅又月瀨梅。名種購得不吝財。曾向庭前相對植。今見點々玉蕊開。釵影橫斜月下趣。和漢美



人競色來。鍾愛從今要平等。怯佗花神生疑猜。

田邊松坡曰 奇想

峴南曰 轉々著筆却見情思纏綿

觀海曰 作者自有一奇趣

梅

麗質真天女。謫降宜獨棲。林逋雖韻士。不許妄呼妻。

觀海曰 前人未道破

岡田松窓曰 奇想匪夷所思

永原鉦齋曰 此詩亦不許妄加朱

瓶梅

乱插寒梅瓶裡春。暗香浮動襲吟身。此花別賞橫斜趣。位置何分天地人。

松窓曰 生花者流頂門一針

蕪菴曰 結末甚奮

雪中探梅

短筇探梅踏雪華。料峭東風寒更加。花耶雪耶看難辨。一白玲瓏幽谷涯。仰見老樹蟠崖腹。一枝下垂勢槎牙。此間積雪埋不及。數點蕾破分外嘉。尋香鶯兒來何處。夙慧早既認靈葩。飛到梢頭歛金

翼。翻。身。時。啄。倒。開。花。

松坡曰 寫景奇拔

松窓曰 描寫入細書手恐不及

觀海曰 後半叙鶯處描寫入細而不弱正見其苦心

峴南曰 雪裡鶯戲其早如此風土之異可以推想八十餘字一氣盤旋

而來結末自見弄巧手段

鉦齋曰 有聲書欲壓倒無聲詩

雪中探梅

六出埋盡空谷隈。先鞭第一探早梅。衝寒除却梢頭雪。僅見一輪花欲開。四顧蕭々人影絕。玉乾坤

裡獨徘徊。仍疑身在開闢始。且向混沌穿竅來。

松坡曰 絕無烟火氣五十六四字尤推清麗

觀海曰 奇想忽自玉乾坤裡來何等清絕

松窓曰 清絕百唱不厭

雪中觀梅

橫斜庭梅冒寒披。積雪皚々壓枝時。皎潔玉姿看不見。只有麝薰任風吹。太似佳人含羞恥。深掩絮帽嫌佗窺。

松坡曰 清絕艷絕

燕菴曰 結末奇甚

題古梅

樹最奇。邊點蕾多。不關古骨半銷磨。老而愈壯真如此。應喚花中馬伏波。

觀海曰 此詩亦與人異

松坡曰 雖宋調灑脫可喜

梅

一花開作百花先。竹外橫枝凌雪鮮。不願朦朧春月夜。移將瘦影上秋千。

松窓曰 阿堵傳神

勝島仙坡曰 宋調佳處

探梅

半日探梅韻獨悠。槎牙老樹枕溪流。映水寒葩燦如玉。萬斛清香麝氣浮。可知佗日結實日。和羹調鼎才殊優。借問山中白衣相。救得蒼生百萬不。

松窓曰 小題大做詩膽輪囷

移梅

庭北庭南隨所栽。槎牙鐵幹老寒梅。巡檐索笑朝還暮。看自早開臻晚開。梅花偃蹇帶苔奇。遠自寒山雪裡移。欲賞疎々月中影。幾回任手折繁枝。

松窓曰 二首新意吾兄慣家手段

觀海曰 紫瀾詩奇趣橫生每々如此

楠社宮司折田年秀翁性風流多聚盆梅花時往觀之席上賦呈

幽庭疑是入仙區。幾種盆梅粲鬪珠。蘭麝濃香風馥郁。鈿釵踈影月模糊。壽陽嬌額粉粧麗。姑射冰肌骨相癯。神廟賽終高雅客。嗚呼碑畔喚嗚呼。

觀海曰 在作者弄巧者矣

矢野靜庵曰 韻士相逢共喜可知宜哉嗚呼碑畔喚嗚呼

偶成

不耐都城銅臭多。奈茲世道廢頽何。東風乍動探

梅興。飽嗅清香遠澗阿。

岡崎春石曰 率意之作仍有多少曲折

古梅圖

鐵幹臨冰瀑。帶苔全倒覆。僅開數點花。稍表非枯木。

倉本樸山曰 寓意深婉

春寒

微開梅值峭寒強。勒得瓊葩護暗香。商略天公勞巧思。好教花壽幾分長。

松窓曰 着想不凡

峴南曰 苦心之作巧而不俚

同題

梅花勒得酷寒時。玉瓣微皴亦一奇。情趣個般何
所似。西施當日捧心姿。

偶吟

塵事匆忙奈此躬。興來吟嘯養高風。只要胸中閑
日月。人間豈別有英雄。

松坡曰 胸中洒落可欽可敬

松窓曰 胸中閑日月哉胸中閑日月哉吾兄高風可欽也

題松梢仙鶴圖

仙鶴喬松擇處安。聞天嘹唳響珊珊。仰頭幾度伸
丹頂。遠向雲霄喚鳳鸞。

松坡曰 寄托自高

春日偶題

積雪堆雲容艷哉。僻村無妓倚樓臺。逍遙一日櫻
之主。不值其花不舉杯。

松坡曰 想奇

九十春光可愛花。就中最愛是櫻花。自由身在自
由世。飽嗅清香飽看花。

松坡曰 福清

鶯聲々裡夕暉微。一陣香風艷雪飛。櫻壽難延時易去。逍遙花下莫催歸。

松坡曰情深

涅槃會

仰止浮屠百代師。涅槃靈像拜多時。古賢真箇傳佳話。斯子津梁勞且疲。

偶題

胸襟洒脫事風流。行樂時爲花月遊。不練丹砂練詩句。心如仙境轉清幽。

觀海曰練詩句言之易而行之難矣

罵月嘲花春又秋。心頭無復俗塵浮。自嗤身在人間界。逸興時求世外遊。

松坡曰着想警拔奇句驚人

詠薄皮饅頭

外素內玄甘若飴。掌中弄玉止啼兒。奇工別有箴規意。不似人間厚面皮。

松坡曰好謔好箴

觀海曰不覺一笑

松窓曰借題諷世亦是詩人忠厚之旨

石橋雲來曰寓感太佳

峴南曰 箴規現然足使負心之輩慚愧死

春宵漫吟

花有清香月有陰。好將古句試醉吟。花天月地三
春宴。興正深時更正深。請見物價加騰貴。騰貴
無會如方今。從是應改春宵值。一刻千金為萬金。

松坡曰 奇想不經人道

春江浮舟圖

無。限。春。光。欲。寫。難。花。紅。柳。綠。映。晴。瀾。苦。心。不。用。探
源。去。好。在。中。流。駐。棹。看。

松窓曰 多少寓意又見風人之旨

館森袖海曰 清麗可喜

磯野秋渚曰 眼前景物一經拈出自然有趣

松坡曰 亦見深寓

水災記事

幾處民家看不見。陸成湖狀滄桑變。郊原樹木露
些梢。匹似浮萍漂水面。咄嗟救急棹輕舟。水勢加威不自由。難奈臨瞻纔
咫尺。誰家慈母抱兒流。廐舍傾潰浸水時。放牛高岸脫難危。畜生何識農
夫苦。飽嚙芊々綠草滋。

正 紫瀾詩鈔

池堤一決害殊加。濁水滔々混井華。暮食朝餐炊
不得。豪農亦有喚飢家。

松窓曰 慘狀如目睹治水之事當局者尤宜留意

哭矢野皆山詩伯呈尊嚴靜廬老先生

夢中膝下伴聯吟。覺對遺篇淚濕襟。無復憂然其
子和。孤栖老鶴在庭陰。

靜廬曰 夜々入夢驚鶴眠耳

春遊節錄

行盡東山也鴨川。陽和節物轉清娟。花經柳緯綺
羅地。蝶舞鶯歌名妓天。酒遇觀奇時益量。詩隨意

快忽成篇。豪遊漫傲謝安石。醉後鼻吟狂且顛。

松坡曰 流麗

阿彌陀峯豐太閤墓下有作

杜宇啼過夜四更。英雄墓畔月西傾。追懷當日罵
明主。裂册聲如裂帛聲。

雲來曰 奇想從天外來

觀海曰 四更過墓下好奇亦甚

勅題寄山祝

巍々高極白雲端。維嶽降神瑞氣攢。申伯甫侯扶
聖主。國家長置富山安。

青木君茂七郎知命壽詩

載在神戶又新日報

君是淡島奇傑士。家無妻子一身輕。夙有蘇秦張
儀舌。政論壇上喝采迎。懷昔明治廿四歲。遊說
恰是在東京。偶逢國會解散厄。何堪慷慨悲憤情。
白晝提燈演狂態。十字街頭步縱橫。忽為警吏所
詰問。詭辯百出使人驚。請見國會逢解散。政道
今也奈無明。嗚呼不照此暗黑。吾曹爭能得進行。
滿都爭揭新誌面。當時噴々上世評。歸家親宰鄉
曲政。數歲治績博名聲。一朝罷職為何事。欲為
民權托餘生。今年知命身益健。奉壽謙開巨觥傾。

欲述奇行表祝意。慚我不才句難成。

松窓曰 其人如見

松坡曰 奇士奇行由奇筆得不朽乎世可稱三奇也

記夢

風吹魂夢飄然輕。輕氣球上載筆行。咄嗟得句皆
天授。歸來期佗世人驚。喜予吟身向天外。奇想
如湧自在生。

松坡曰 天授二字下得有趣

松窓曰 得意可想

讀日本大家論集寄感

補 紫瀾寺沙

味若蔗甘。餐益加。世間衆口共稱嘉。孫吳古註避
三舍。周易河圖駁大家。理拆秋毫詞吐玉。手揮
麈尾筆生花。就中景仰老蘇說。活眼吹毛求史瑕。

地震記事

撼搖響訝迅雷轟。瞬息滄桑誰不驚。四海良民施
惠恤。九天聖主抱憂情。泥吹水湧地層裂。巖墜
樹僵山脉傾。慘愴雲昏荒野外。飢鴉時啄爛屍鳴。

松窓曰 悽愴慘憺不堪卒讀

海嘯記事

沿岸途荒絕往還。漲痕歷々劃丘山。仰看千斛萬

鍾。舶。掛。在。亭。々。老。樹。間。
忍看慘狀劫餘村。鰥寡聚來纔構軒。神佛靈符懸
枕上。空將念咒送朝昏。

松坡曰 極悽愴之致讀之使人神傷

早春海上

一望連山烟靄微。茫茫海上帶斜暉。布帆飽孕東
風好。直向梅花灣外歸。

松窓曰 一幅活畫

勅題田家烟

瑞穗洲中卜有年。迎春藜庶樂陶然。五彩慶雲全

假。幻。真。祥。却。在。爨。烟。中。

松窓曰 真然

野口寧齋曰 是為真詩

鉦齋曰 轉結嶄新

古城春望

古。城。草。木。入。芳。辰。聽。鳥。看。花。儘。可。親。三。百。餘。年。烽。警。息。烟。霞。蒸。出。太。平。春。

木蘇岐山曰 情韻不匱一覽有餘

芳山懷古

懷。古。低。徊。淚。濕。巾。落。花。芳。草。滿。山。春。挽。回。皇。運。不。

如。意。寺。號。空。存。如。意。輪。

松坡曰 奇想

松窓曰 人未道破

寧齋曰 切于其地可以傳誦

秦羽仙詞兄石刻觀音徵詩次諸彥寄贈韻以呈

石。刻。觀。音。信。念。深。朝。昏。禮。拜。整。衣。襟。知。君。佞。佛。非。他。事。欲。學。慈。悲。濟。衆。心。

松窓曰 說得如此為佞佛者開與一活路可謂功德無量

王昭君

柳。眉。花。面。靚。粧。新。邊。地。定。知。初。遇。春。不。使。佳。人。誤。

君國。畫工何識。是忠臣。

松窓曰 翻案出人意表妙

觀海曰 亦是一見識

豆腐

方玉玲瓏出水鮮。僧家珍膳是為先。由來咀嚼不須齒。悟入大乘無味禪。

春石曰 詩亦淡中有味

松窓曰 佳謔亦大悟

觀海曰 無味之味作者咀嚼得之

鉦齋曰 詩亦渾然如豆腐置之蕉堅稿中恐不能辨自他

食筍

林。斂。一。夜。轟。春。雷。參。差。犢。角。穿。碧。苔。鮮。將。紫。籜。劈。素。玉。烹。充。下。物。孤。酌。催。餐。此。凌。霄。一。片。氣。瀟。洒。胸。中。無。點。埃。吐。化。文。章。應。驚。世。百。尺。竿。頭。進。步。來。

觀海曰 紫瀾胸中固蓄奇氣偶藉此物自然迸出耳

松窓曰 奇想匪夷所思真是百尺竿頭進步者一讀呼快

花月吟節錄

從來花月宰風流。嘯月吟花逸興浮。山月林花移榻看。江花海月掉舟遊。四時唯為月花開。萬事都因花月投。月魄花魂憑我否。暫離花月思千秋。

松坡曰 前聯流麗

驟雨有作

如峯如火夏雲奇。芭蕉葉上題詩時。麝煤氣薰穿
鼻孔。筆痕迸處墨淋漓。須臾驟雨覆盆到。一洗
生俗惡辭。天公爲戲豈無意。羞殺人間沒字碑。

松窓曰 亦是奇構

銀婚式恭賦疊韻

仰欽五々結禱慶。仁德如天寶祚昌。獻壽蓮峯萬
年雪。銀婚。謙外放銀光。

外邦公使競稱慶。鳳闕銀婚曠古昌。日月並懸明

赫々。大千無處不傳光。

寧齋曰 大婚之詩雖多佳篇未及此首清且高也

松坡曰 莊雅

題古硯贈羽仙菴主人

誰將古硯刻山川。更看四周羅漢仙。靈異欽君得
冥助。神通法力握吟權。

豐公

霸畧當年敵者誰。猿公輕捷業何奇。身生木下凌
霄漢。攀上扶桑第一枝。

松窓曰 奇想可謂亦凌霄漢

夏日偶成

窓外芭蕉葉正娟。欲題猶未得新篇。笑吾百事落人後。也被蝸牛篆字先。

春石曰 輕巧袁趙一派

秋渚曰 戲謔入詩亦妙

觀海曰 好笑好笑

食西瓜

涼味津々沁齒牙。滿盤紅雪嚼西瓜。先生笑指便々腹。一片丹心丹更加。

高野竹隱曰 佳謔

觀海曰 佳謔

春石曰 亦是佳謔

松窓曰 佳謔亦復妙諦

壽伊藤聽秋翁七十

風月場中筆一枝。幕天席地快男兒。撫松靖節凌霄趣。拜石元章嘲世姿。爲友士多三益雋。容身地占八洲奇。景欽眉壽古稀謙。繡帙新頒自著詩。

次廣田澹洲詩兄夏日僑居韻以呈

烟波浩蕩寄生涯。好卜幽棲素志諧。歡待良朋徐叩戶。笑看熱客鬧過街。彩虹橫處海光麗。白雨收

邊山色佳。占斷欄前雄偉景。悠然忘夏養吟懷。

松窓曰 此詩余亦次韻以贈澹洲押韻未能如意不及吾兄閑曠得體

春石曰 後聯雄麗可愛

田家即事

插秧課了向家歸。日暮林巒輕靄霏。憐殺流螢兩
三點。青熒一路照人飛。

觀海曰 田家作苦亦有此趣味

峴南曰 田家光景寫得是實

秋渚曰 一碧萬頃筆端亦有青蔥氣

洲本三熊公園海浴偶作

三熊山麓翠嵐下。嘯敖好是凌滄州。中聳豐碑天
造石。藩公筆蹟勢超遒。刻得三熊公園字。偕樂
遊人欽嘉猷。地瀕渺茫茅渟海。一碧瑠璃磨鏡幽。
紀泉連峯呼欲答。夕陽影裡倒影浮。黑烟斜曳疾
走舶。白帆正懸徐行舟。誰知別是新詩料。至近
直向眼前求。請見後浪進來處。前浪退却痕欲收。
一進一退互交迭。波瀾起伏不暫休。官海波瀾亦
如此。吾今浮沈隨白鷗。自笑機心猶未絕。白鷗
驚飛去悠悠。

松窓曰 一篇主旨在請見以下數句

觀海曰 叙去勝景一轉忽入感慨以為收束篇法甚佳

觀學童夏季自習誌展覽會有作

自習編中漫述思。兒童日課暑炎時。無邪氣處有佳處。爛熳天真是我師。

鈺齋曰 余亦幼孫為我師

秋季體育會席上

健全共是鍛心身。體育勵來遊技新。請見天高秋爽日。何唯肥馬又肥人。

松窓曰 每首有趣向不捨人唾餘

小女捕螢歌

螢可來兮水可與。彼水苦兮此水甘。甘味十分須吸盡。飄揚飛來一二三。姊妹唱了歌一曲。點々映水影相續。紗囊盛得光熒々。照去途上代燈燭。歸家囊中插草苗。掬水頻向此中澆。小妹笑向阿姊說。看到夜深光未消。

松窓曰 少女痴體寫來不陷俚俗

峴南曰 以童謠起而以姊妹收情思回折轉々生趣尤見苦心之工

觀海曰 是善寫兒女態者

偶詠

薄暮雨晴涼滿庭。如雲樹影入簾青。半痕新月一

叢露。時有微光。不是螢。

春日井柳堂曰 巧緻

松窓曰 才調可愛

峴南曰 自成齋時有微涼不是風脫化來

鉦齋曰 涼味可掬

驟雨後有作

白雨入夜僅放霽。遙天未全斂雷霆。閃爍紫電時射眼。窗外乍明又乍冥。隱現前山怪松樹。蒼鬱定知千歲經。針髮鬢髻何所似。凄然幻出夜叉形。稚兒畏怖不敢見。急遽促爺閉柴扃。須臾雲散乾

坤寂。一天青於瑠璃青。月出前山松樹上。風光如畫覺清靈。世上豈有妖怪物。指點諭兒語丁寧。

觀海曰 唯是叙一松樹夜色耳然奇筆變幻其插入稚兒處手段頗巧

峴南曰 疑心生鬼人世萬事往々乃然不獨天上風雲之變也

梅雨偶成

雨後蝸牛勢更生。芭蕉葉上吐涎行。悠悠向處伸雙角。一任蠻候觸伯爭。

松坡曰 奇警

偶拈疊韻三首

月夕花晨興到時。咄嗟揮筆寫吟思。調卑豈願高

才和。不是陽春白雪詩。

松窓曰 翻案亦妙

眼前事物寫來時。彫琢何須費索思。絕賞坡仙高雅趣。作詩自是忘其詩。

慨然憤世又憂時。儘托箴規述所思。吟去吟來隨歲次。一編小史是新詩。

松窓曰 余亦自少時好諷咏觸緒寫感與吾兄同論要是山家一部日記也

記也

峴南曰 藻思滾々如清泉穿巖而流以成真清真詩

題畫

如雪蘆花灣又灣。悠然獨釣儘幽閑。得魚不忘收筓去。好伴玲瓏月影還。

松窓曰 亦是寓感之作

題畫

藤公艙間讀魯論。坐上傍觀胡孫蹲。公起之廁孫獨在。臨卷亂點朱筆痕。公也復坐莞爾笑。汝亦志歟聖人言。猿也惡戲却可愛。美談嘖々史上存。寄語如今書生輩。盍捨小說聖經繙。若讀論語知論語。會使風教歸厚敦。

松窓曰 小題却發大議論

消夏吟

一肱代枕午睡熟。夢魂好是何處行。飛上芙蓉最高頂。千古堅冰嚙有聲。肌膚生粟不堪冷。忽然驚醒有餘清。山妻在傍裁衣坐。不知快絕奇夢生。訝問幾度切齒久。夢中何事慨不平。

松坡曰 飛上四句爽快無限落想奇拔

峴南曰 真是奇想從天外來者亦快亦壯

鉦齋曰 描寫之妙書不及

同題

不趁名山大澤勝。臥遊日夕樂幽吟。壁揭名勝瀑

布畫。摸寫逼真趣更深。君不聞曹操曾勵苦渴士。指言彼地有梅林。兵士口腔生露液。止渴美談傳到今。請見九夏三伏日。對畫頓覺冷氣侵。此是吾家消夏法。欲學阿瞞止渴心。

松窓曰 奇想匪夷所思

又曰 以人不廢言此詩得之

松坡曰 亦復奇想天外者乎

鉦齋曰 奇想天外使人吞聲

偶題

白扇倒懸東海天。六六山人賦名篇。富岳形容太

妙絕。三百年來世喧傳。誰知別有寓感在。國運
發展亦宛然。邦俗呼扇稱末廣。古來例用慶賀筵。
天公高表此瑞象。應祝東海福祉全。請見臺灣朝
鮮地。版圖新向外方延。况自南洋及樺太。遠翻
仁風旭旗鮮。更禱皇威逐年盛。德化所暨大無邊。

松窓曰 奇想出人意表吾兄獨擅

雪餘偶拈

六花深處五花披。一白雪壓庭梅枝。剛值晴旭放
金箭。消而無痕牌午時。無復人疑花歟雪。瓊葩
香高任風吹。

松窓曰 語淺而意深

題藤花圖

無復春葩競艷粧。此花開處殿群芳。功成青帝回
轅日。若々如懸紫綬章。

觀海曰 狀得新奇可喜

次石井弘道上人韻

禪林逃世白雲關。名利由來附等閒。悟法通玄能
守律。道心不動靜如山。
寺在青松白石關。詩情禪味伴清閒。有時跌座參
禪後。敲句沈吟肩聳山。

自註 上人原作。脫却人間名利關。小禪房裡道心閒。法身清淨談般若。若。脚下溪流背後山。

偶得

酒作開顏料。花爲娛目資。嗚呼兩知己。與我不相離。

洗竹

寒碧猗々森作林。踈々洗去趣殊深。時迎一道涼風度。又遇三更明月臨。清越韻傳如夏玉。婆娑影動似飾金。庭前忘暑兼忘俗。好對此君披素襟。

峴南曰 君子於其所養見其心伴人清虛可想

松窓曰 瀟灑絕俗詩韻亦清越

春石曰 二聯隔句呼應妙甚

題大石良雄夜襲圖

討仇鮮血迸鋒端。提首快呼秉燭看。一片丹心燃若火。滿城風雪不知寒。

松窓曰 文字亦見光焰

義士會席上

誓復君仇豈惜身。一心四十有餘人。靈魂長護邦家礎。大石終成柱石臣。

夏夜即事

夜色清涼趣更佳。美人蓮步柳灣涯。一揮紈扇撲螢火。誤觸雲鬟墮玉釵。

大竹蔣逕曰 似學宮詞

秋渚曰 即景直寫婉約委靡

松坡曰 如觀應舉美人撲螢圖

峴南曰 情致纏綿

觀海曰 叙得至微何等情致

柳堂曰 幽婉

春遊

花下柳陰途幾彎。春風脉々暗吹顏。身如蝴蝶追

香鬧。心似仙人忘俗閑。伴犢翁眠青草岸。銜魚
驚浴白沙灣。滿眸光景佳於畫。立盡斜陽暮靄間。

廣安雲山曰 閑人春遊之實景非才筆則不能道到于此七八特結得佳

花下烹茶

白櫻樹底弄春光。漫學盧同幽味長。花撲吟身人
靜坐。茶鐺添響吐雲香。

消夏詩節錄

晚來白雨覆盆去。忽放晴天碧瑠璃。涼氣生秋清
沁骨。頓忘六月溽暑時。娟娟明月上竹抄。枝々
綴珠溥露滋。團々帶光時散亂。陣々徐有輕風吹。

光風霽月見在此。丈夫心事須如斯。

松窓曰 詩亦爽快一讀呼妙

松坡曰 詩亦清爽

春石曰 結末太好

喜雨

旱魃旱魃大旱魃。田面龜裂苗將枯。忽值奔雷驅
雨到。勃然苗興露綴珠。農夫欣々舉杯祝。一醉
不覺起狂呼。太似成湯誅夏桀。普施仁政萬民蘇。

松坡曰 一結警拔得之全篇皆振

秋日郊行 明治己酉作

秋叢探遍七草娟。儘追瘦蝶吟情牽。風流如此徒
事耳。訪秋特遠稻田邊。嘉禾豐穰垂掩逕。狹隘
此間脚難前。近古如此未曾有。田夫野老語欣然。
嗚呼大東瑞穗國。史筆須揮大有年。

松坡曰 結語堂々千鈞筆力

偶成

吾是物外隱逸者。花月優遊遣四時。不貴巧遲貴
拙速。咄嗟乘興弄吟思。漫載都鄙新聞紙。何嫌
下里巴調卑。人若問號何所據。笑曰紫瀾是不知。

鉦齋曰 果然乎否余亦不知

咏筍

一夕穿來碧蘚紋。定知生長達青雲。嶄然頭角君看取。數畝林中已拔群。

春石曰 命意如此亦自不凡

松窓曰 用筆輕雋間有奇想是吾兄長技

偶拈

窓前有草不曾除。匹似濂溪周子居。只喜斯中蟲語好。臥聽唧唧報秋初。

觀海曰 撇開來處見力量

柳堂曰 楚々有風趣

峴南曰 眼前景心中語淡々有味

鉦齋曰 比周子更進一層

晴天鶴 立太子式奉祝御題

一雙仙鶴知氣先。萬里遠從海外天。欽慕日東聖天子。下雖禽獸逐生全。來遊十洲三島外。玲瓏八朶蓮峯前。盤空翅如車輪大。五雲簇處幾盤旋。一朝舞闋爲何事。俯望下界德輝鮮。尤羨九重上林苑。佳氣鬱々葱々然。降下好是休六翮。應認長松最高巔。恰是皇儲册立日。瑞象乍入御題傳。詞臣誰抽相如筆。恭賦晴天鶴一篇。

秋日書懷

半夜呻吟坐草房。愁情偏向此時長。蚪歌蛙唱宮
商亂。燕去雁來時序忙。月下寒蛩鳴露咽。霜餘落
木受風颺。滿腔感慨何由遣。傾盡葡萄酒幾觴。

松窓曰 無限感慨

甲辰元旦記夢

日露戰役將起句意及之

飛龍抱玉在東天。欲雨欲雪捲雲烟。強鷲不復振
鷲翼。望風畏縮北疆邊。今朝幻出一場夢。覺寫
瑞兆祝辰年。

松坡曰 道得痛快

贈郡司大尉

先鞭身踏至危投。千載期除北顧憂。招募扶桑忠
勇士。拓開荆棘迓寒州。雲荒鷲攫林禽擊。冰裂
鯤驅海獸浮。無盡藏珍封域產。肯容密獵外人舟。

松窓曰 二聯筆健而意新

岩崎水哉曰 五十六字道盡北海情態大尉壯圖毫髮無遺憾敬服

福島少佐遠征圖

瘴烟蠻霧不傷躬。偏賴鬼神呵護隆。虎吼龍驤仰
威武。蟹行鳥跡錄殊功。併吞歷代英雄畧。睥睨
輓今柔媚風。絕險烏蘭笑題石。凌霄氣象吐霓虹。

水哉曰二聯福島少佐小照

夜市買菊

燈光揭得照花光。夜市欲求名菊芳。白白黃黃奈
難辨。幾回笑問白耶黃。

松窓曰黃白二色夜陰難辨別窮理家所詳說入之詩中吾兄為嚆矢

松坡曰寫實之筆

採松蕈

黃昏沿道再尋探。忽見含香玉兩三。採蕈勞如練
詩味。經過辛苦始生甘。

橋本海關曰是蓋諷學詩者也味字甘字照應得妙

穿林超嶺又排荆。履約同人乘曉晴。一笑平生辭
讓者。只於採蕈競先行。

松坡曰着想奇拔

松窓曰天真發露痴態可愛

芒鞋短袴手携籃。松樹林間探又探。偶有傍人誇
所獲。容如張傘露猶含。

海關曰宛然物在目巧手巧手

勅題寄海祝

露英米佛獨伊船。貿易來通東海天。皇化從曾開
五港。扶桑殷富一年年。

松窓曰以質實勝

壽榮巖和尚八十

壽域悠悠躋八旬。仁和寺主法名振。行兼寺號暗相合。仁若天兮和若春。

移芭蕉

欲聽蕭々露滴聲。芭蕉栽得掩軒楹。蝸牛不識既移住。葉上猶書銀篆行。

觀海曰著想新奇

江村即事

兩岸丹楓映碧津。孤舟膠在淺沙濱。金鱗飛躍斜

陽裡。次第錦波生大輪。

櫟山曰詩乎畫乎

偶成

階砌月冷露華清。唧々草虫報秋鳴。如悲如恨又如罵。聲々疑是訴不平。騷人半夜傾耳聽。無端惹起若爲情。回首世事多屈辱。不平不啻草虫聲。

松坡曰何事沈痛不堪卒讀

偶作

罵月詈花忘俗緣。目耕筆耨送年年。任佗俚諺招嘲笑。徒作詩兮不作田。

松窓曰 吾輩宜戒俚諺豈可輕哉

勅題新年梅

禁苑梅花與歲新。珠簾半捲對晴晨。東君早既臨
東海。一朶春先萬國春。

鉦齋曰 轉結寓意不淺

松窓曰 三四頗有精神

剛值柴門鳳曆頒。一枝梅綻五雲間。年中欲發風
流笑。今曉與花先破顏。

松坡曰 何等酒脫

雪曉偶得

天公遊戲極奇工。雪壓塵寰一夜中。輾出山頭晴
旭影。白銀世界繪微紅。

松坡曰 措筆輕妙

勅題新年海

蓬瀛波穩三元曙。八朶嶽雪映朝陽。倒影蒼波轉
雄麗。直入宸題呈瑞祥。太平洋頭大平象。氣含
秀靈天地長。

海不揚波幾千古。聖澤恩深及水府。龍王長是樂
安居。太平氣象更和煦。貝闕譙開仙樂催。彭夷
打鼓魚龍舞。

松窓曰 起得偉麗

松坡曰 前首穩雅後首奇勁

題巖上靈龜圖

邦如盤石堅且固。賴是鬼神成擁護。聖皇英斷無
嫌疑。何用龜卜決機務。維石巖々民貝瞻。民所
瞻兮聖化霑。克忠克孝臣子分。千古龜鑑訓謨嚴。
君不見一大瑞龜金甲麗。遙從海外慕盛世。爬上
東海巨巖顛。獻壽聖皇萬々歲。

松窓曰 小題大做中間一解尤覺峻拔

又 曰 結句千鈞

松坡曰 莊重典雅

勅題巖上松

日露戰役將起句意故及

樹倚雲根磊々懸。鱗條爪葉澗流邊。髣髴潛龍出
巢窟。直從巖角欲登天。

松坡曰 四句矯々獨立寫得挺拔

壽伊藤聽秋翁七十

夙在詩壇樹赤幡。縱橫健筆世間喧。鷗前置酒煙
波艇。蝶外撚髭花柳村。性愛風流無物我。學通
經史有淵源。彬々門下奇才士。偏感平生薰育恩。

賞蓮

百字名文誦幾回。亭々出水絕泥埃。蓮心亦似許
知已。風。葉。有。時。傾。蓋。來。

松窓曰 善戲謔不為虐

觀海曰 奇語驚人

松坡曰 落想之奇匪夷所想

峴南曰 傾蓋兩字作是骨子可謂濂溪有知已

勅題松上鶴 東宮大婚將近寓感故及

禁苑和鳴雛鶴鮮。凌霄養志老松顛。翅若車輪大
成曉。盤旋雙舞五雲天。

中道人曰 語々捶練而出調極平和

玉兔擣藥圖 某卯年元旦作

玉兔擣藥廣寒宮。不老不死仙之方。鳳曆方欣歲
屬卯。此圖似欲呈瑞祥。吾亦偶同生誕歲。脫却
塵緣保健康。願倣宋人負暄意。慇懃獻壽祝聖皇。

松坡曰 化應制之板重而以疎宕出之所以可誦

勅題新年山 日露戰爭中故及

連捷王師力拔山。嶺頭占領幾難關。想見新年初
日下。將軍橫槊賦平蠻。

又

滿州山岳幾砲臺。驚旗仆兮旭旗開。無復防禦射

擊士。竟歸我有何快哉。新年第一何利用。祝儀先放敵砲來。

勅題新年松

十字街頭新年松。千門萬戶竹倚松。賀客醉餘笑揖松。飄然出松又入松。歸家試筆先畫松。畫成自笑不是松。推窓凝眸前山松。松兮松兮吾得松。新年第一賞古松。凌霄氣象欲學松。

松窓曰 又是一格

松坡曰 起四句如觀都下歲旦風俗畫結末寓規得古作者意

丁未元旦試筆

祝世笑酌屠蘇酒。也見恩波聖澤覃。一家雞犬和樂裡。陶然一醉興味酣。例因干支撰嘉話。嘉話撰來箴規含。向兒欲教聖賢道。至德畢竟在不貪。歲迎未歲說何事。先試瘦羊博士談。

森槐南曰 作者想是老儒偶拈得瘦羊博士四字爲一詩根底通體偏能

樸茂

松坡曰 在不貪三字千古至言得此三字滿幅活動

次木蘇岐山先生卜居詩韻奉呈

種竹忘勞不說難。子猷胸裏有餘寬。虛心旦夕許知己。窓外常開青眼看。

由來大隱在都城。不受蒲輪幣帛迎。掉破寒流澱
江水。篷窓賞雪會詩盟。
手把郵書帶笑開。閱終几上積成堆。金鏘石曼詩
篇富。海內傳呼玉局來。
影踈香暗月黃昏。老樹梅花詩格存。岳色湖光會
飽了。不妨歸賦小林園。

岐山曰 真氣流注韻亦寥亮不必彫削奇崛而能入人心脾可喜也

秋渚曰 眼前景口頭語叙得如此徑淨其中自有變化斷續之妙

松坡曰 岐山詩筆警雋可推今代玉局今贈岐山數篇亦似學蘇

松窓曰 定知岐翁掀髯一笑

時事

駸々開化爭先日。人情世態幾遷移。時好競新殆
將盡。復古却覺一段奇。請見嬌娃奏歌舞。靚粧
巧學元祿姿。

聽蟲

叢底秋蟲得意鳴。金風玉露夜淒清。微軀在野安
天分。休道聲々訴不平。

松坡曰 興中兼比得意不平對照頗妙

松窓曰 知道者言可味

春石曰 淡言平語寄托隱然

鉦齋曰 詩人不可無此襟度

戊申元旦試筆

伸字本是人從申。人迎申年志氣伸。志氣之伸賴何事。偏賴皇運逐年振。恩露遠霑扶桑外。韓山草木初知春。

松坡曰 意匠新奇所謂奇想天外者歟

勅題社頭松

誰家佳人謁神廟。新年第一乘曉晴。不作尋常赤繩願。可憐才色兩秀清。社頭咫尺有松樹。何事指爾誓神明。願守歲寒後凋節。恒德亭々了一生。

恭咏宸題述祝意。錦箋寫出神前呈。只書干支生年女。風流却是不署名。

松窓曰 可補風俗誌

松坡曰 筆路明豐中段曲折尤妙

閑居自述

浩蕩胸襟跌蕩謠。何論肥馬與輕裘。波瀾官海不相管。好把長竿隨白鷗。

秋渚曰 紫淵兩世書香益發揚家聲便有此高懷

松坡曰 高情可欽

紀元節恭賦

禁苑梅花一笑新。豐明殿上暗香勻。從茲天地加生意。佳節歡迎二月春。

舊德島藩儒臣竹堂玉井先生今茲辛卯齡丁喜甲從二位蜂須賀茂韶公祝

之書眉壽萬年四字以賜焉先生於是廣徵詩于四方且囑以所賜四字分冠

句頭予亦做綴併乞郢正

眉毛長秀好仙相。壽讌顏開老竹堂。萬丈虹霓生彩筆。年來文傑見才良。

眉鬚色尚未皤然。壽比老萊才謫仙。萬古典墳看破去。年々詞藻湧於泉。

壽南山南觀蓮僧正華甲

風骨自靈仙。加齡六十年。道林常撰友。佛印善談玄。氣似凌霜菊。神同出水蓮。禪窓山月曉。三寶鳥聲鮮。

訪滿泉寺席上賦呈孝榮上人

冒暑來敲高衲關。相逢一笑解吟顏。壁間畫揭四時景。先賞芙蓉白雪山。空濛烟霧罩禪關。不用扇風時拂顏。涼氣襲來何處是。輕雷驅雨過前山。

驟雨

十丈炎塵一洗清。疾風吹雨忽縱橫。前池乱點萬

荷。葉。盤。上。明。珠。跳。有。聲。

秋。渚。曰。欲。窺。浙。派。門。戶。

觀。海。曰。一。氣。呵。成。

峴。南。曰。幽。味。可。掬。

松。坡。曰。清。快。

春。石。曰。字。句。飛。動。讀。去。紙。上。覺。有。餘。聲。

松。窓。曰。清。涼。滿。幅。即。景。宛。然。在。眼。

讀芙蓉日記呈野中至君令室

嶽。巔。觀。測。白。雲。鄉。著。述。成。編。名。益。彰。硯。池。磨。得。金。銀。水。墨。氣。凌。天。燦。吐。光。

贈白瀨中尉

丹。心。報。國。快。男。兒。探。盡。雪。山。冰。海。奇。窮。到。磁。針。無。効。處。仰。欽。學。海。指。南。師。

窮。南。偏。誓。着。鞭。魁。滿。目。寥。々。冰。界。隈。第。一。斯。間。何。所。慰。奇。禽。人。立。近。人。來。

白。晝。朦。朧。冰。海。天。凍。雲。時。望。北。光。鮮。誰。言。天。日。無。私。照。獨。在。斯。鄉。知。不。然。

勅題新年雪

雪。向。元。朝。一。白。堆。豐。穰。瑞。兆。自。茲。開。况。聞。仁。政。減。租。說。迎。歲。農。夫。喜。色。催。

六出玲瓏一望清。欲尋韻士賀新正。宸題瑞雪何堪踏。戶外躊躇沮出行。

日韓合併記喜

隣誼日韓成合併。從今八道樂昇平。請看咿喔雞林曉。照破暗冥晴旭明。

松坡曰新警

天長節恭賦

五彩雲開旭日紅。瞳々照到籬菊叢。脉々香動金風外。娟々花綻玉露中。田家恰好迎佳節。國旗飄處瑞氣融。草莽微臣感且喜。欲學奇傑正之風。

尊崇皇室意豈異。時代變遷禮不同。不做當年跪伏態。敬禮立拜富岳東。

峴南曰 尊皇之心言々流露開口見膽

松窓曰 直叙胸臆自見忠孝至情

水哉曰 可謂高山彥九郎再生

同題

萬歲聲中祝意加。茅軒高揭旭旗斜。虛堂無物爲粧飾。瓶插一枝黃菊花。

松窓曰 結句無限風情

水哉曰 朴茂

同題

曉來門巷簾痕新。迎得今皇降誕辰。萬里祥氛清謐世。階前先不起纖塵。

賞菊

植在東瀛亦美哉。鸞旗夙上御章來。斯花豈獨重陽物。恰向天長令節開。

秋渚曰 拍合尤妙

故蜂須賀侯大源院殿小祥忌辰恭賦

匹如混々大源泉。河潤何唯九里邊。藩政遺臣浴恩澤。長將令謚後昆傳。

明君賢相偶同時。參與樞機擴帝基。遺績流芳垂不朽。萬年山上仰豐碑。

賞雪

林園一白雪紛披。醉裏生春興更奇。好在無花無月夜。翻如有月有花時。

觀海曰 化腐作新手段甚黠

秋渚曰 把花月二字播弄成章宜做花月吟看

春石曰 三四宛轉自在

峴南曰 冷絕之境爽氣襲人

松窓曰 似俚俗不俚俗才人慧心可妬

鶯

宛轉。繇。蠻。振。玉。新。寒。梅。枝。上。覓。香。巡。可。憐。雪。虐。風。
餐。底。嬌。舌。呼。回。天。下。春。

秋渚曰一結有意思

勅題雪中松

御。題。年。々。多。題。松。題。到。今。年。雪。中。松。寓。感。尤。深。是。
此。松。九。重。冒。雪。上。林。松。珠。簾。半。捲。時。對。松。天。顏。
有。喜。笑。咏。松。剛。健。氣。象。君。子。松。克。全。晚。節。只。有。松。
奉。咏。何。以。好。祝。松。億。兆。民。心。永。學。松。

松坡曰體奇想尤奇

隔。海。雞。林。八。道。松。六。出。霏。々。深。壓。松。日。東。旭。日。遙。
照。松。雪。解。何。時。救。老。松。鱗。條。爪。葉。全。露。松。一。躍。
將。起。臥。龍。松。

松窓曰寓感能咏時局意到而筆從敬服々々

新年雜咏

門。粧。松。竹。又。寒。梅。椒。酒。辛。盤。情。味。催。大。笑。貧。厨。遽。
加。貴。糟。糠。妻。亦。上。堂。來。

觀海曰春風春水一時來者歎

松窓曰佳誼

勅題新年雪

梅花一枝春帶雪。玲瓏難辨花歟雪。皓々白鶴白
於雪。閑張六翮舞飄雪。臥遊賞此仙界雪。羽扇
活火時烹雪。何羨子猷舟棹雪。畢竟風流鴻爪雪。
拜年客掃鶴鬣雪。先談有年瑞兆雪。詩會分韻得
韻雪。欲賦聖題新年雪。高調匹似和白雪。吾獨
罰杯耻難雪。起傲東郭履踏雪。手擎雪竹脛沒雪。

鉦齋曰才鋒不可當

題畫詩

騷人撰隣占幽境。彼我家將竹籬遮。竹籬縛就太
踈畧。移植幾種牽牛花。翠蔓纏絡何自在。開花

半是籬外斜。殘月影淡風露上。曉粧競色分外嘉。
風流不問彼我別。好將餘澤及隣家。

觀海曰自是仁人之風度

松坡曰君子人語嘲花弄月輩夢想不及

槐南曰詩如坡塘秋潦雖易見底裏亦自汪洋淡澹其寫牽牛籬落楚々

有致餘澤隣家命意頗佳

中秋賞月歌

三五中秋多風雨。何幸偶喜今宵良。南樓會客開
雅譙。賡酬偏覺詩趣長。好期如此須盡醉。不覺
乘興夜將央。月到天心光直射。身在樓中影難望。

下樓徘徊遶庭砌。頭上冷光白於霜。向月聊侑一
盃酒。多謝今宵宿志償。月亦慙慙如有意。報答
遙從廣寒鄉。滴將金桂花上露。幾點落我掌中觴。
鼻端忽覺奇芬迸。不是尋常一樣香。

松窓曰 詩神標榜有太白遺響

松坡曰 奇想縱橫不似尋常觀月詩

觀海曰 其懷曠達其言飄逸是李白之境殆不可端倪矣不是尋常一樣

香蓋夫子自道也

秋扇

仁風曾濟世。功就職須辭。開闢元隨意。行藏也

適宜。炎威纔去後。金氣正來時。自是讓賢路。不
招殘敗危。

又

會遭炎暑天。掌握喚風權。常侍君王枕。也陪歌
舞筵。自思長受寵。何料乍離緣。此恨向誰訴。筐
中空悄然。

觀海曰 語寓規箴

松窓曰 二律咏物上乘

松坡曰 寄托深遠不落咏物窠臼

峴南曰 為名利場中之徒頂門一針

柳堂曰 險題說破卓々有餘裕

勅題寒月照梅花

臥龍梅綻澗流涯。夜々冰蟾照玉枝。三顧無蹤甘
隱逸。花神唯許月明知。

伊藤鷺城曰 勝岳上人一等

松坡曰 着想超凡

題畫

幽窓臥聽自然音。家在潺湲溪水潄。却笑淵明太
多事。床頭徒撫沒絃琴。

秋渚曰 靖節而有知當道紫淵却是多事敢聽溪聲

觀海曰 地下淵明應苦笑

松坡曰 理不落窟可言老手

勅題松上鶴

松梢仙鶴瑞氛籠。時向東方望曉空。絕塵丹頂太
清麗。映帶朝陽輪大紅。

松窓曰 詩亦清麗

山亭烹茶

繞屋峯巒影鬱葱。鼎爐活火自然風。幽情負出盧
仝上。嵐氣深含七椀中。

觀海曰 的是山中茶味

春遊絕句

桃唇半綻柳眉伸。途上恍疑逢美人。春光澹蕩難描得。近山如笑遠山顰。

松坡曰 景中有情

中秋賞月

愛箇中秋向晚晴。水樓迎月養吟情。半輪輾出滄溟上。舉手時呼萬歲聲。

松坡曰 萬歲字用得新奇

某歲中秋所見

雲霧將開又忽攢。今宵却是得奇觀。玲瓏光變朦

朧影。秋月宛爲春月看。

秋渚曰 奇景獲奇詩

松窓曰 奇想

旅行雜感某吟社課題

獨提詩囊遊東奧。漫尋奇景入山村。逢人對話語難解。如今尚有古言存。投宿金風玉露夕。砌蟲無端破夢喧。唧々慣聽鄉里韻。此聲獨不帶方言。

松坡曰 所謂奇想天外者歟

觀海曰 不作尋常羈旅語直就虫聲發感若不經意而中寓多少鄉情手

段甚巧矣

偶得

落葉紛々積作堆。偏嫌霜後沒青苔。掃清天下非吾事。笑向荒庭把箒來。

松窓曰 翻用古賢語太妙

觀海曰 何日其人出世來噫

松坡曰 抱負非凡

春石曰 輕逸之筆暗占身分

秋渚曰 廁之文政天保絕句選中雖具眼者恐不易辨

漫吟

予欲爲漁叟。篲笠一竿絲。得魚豈容易。釣餌却

被欺。予欲爲樵者。携斧上險巖。伐木多辛苦。肢體奈勞疲。予欲爲農父。夏畦面目黧。水旱或爲厄。凶年衣食虧。予欲爲俗吏。慵拂上官髭。官海驚風浪。臨事身爲犧。世路難如此。筆硯聊防飢。生計細於縷。不險又不危。登山採薇蕨。非敢學伯夷。泛湖伴鷗鷺。非復傲范蠡。興來時繙帙。倦去乃傾卮。心如脫樊鶴。身似曳尾龜。不羨朱門貴。不羞白屋卑。此中占清福。何厭迂愚嗤。

觀海曰 漁樵農吏層々說去而後及自家處世之道筆路明晰無復晦澁

之病

春石曰 自家懷抱出以紆餘曲折爽朗如話不入淺俚之調

峴南曰 層々陳去段々說來以及于自家安分之境這裡清福難與俗士

言

奉悼詩節錄

壬子七夕偶得

瓜菓新甘供在庭。儘隨兒女祭雙星。仰空不啻望銀漢。奉吊昇天聖主靈。

壬子秋日

天地淒々入素秋。人間誰是不傷秋。蛩聲雁語何堪聽。况值今年諒闇秋。

松窓曰 真箇罔極之哀

壬子七月三十日書感

至尊忽駕玉龍去。追攀無由空仰空。儲皇即踐一

系。祚。連。縣。大。統。傳。無。窮。普。率。黎。庶。慕。盛。德。一。悲。
一。喜。均。葵。衷。君。不。見。照。祖。當。日。隱。巖。窟。奈。何。暗。黑。
六。合。中。乍。開。巖。扉。天。日。閃。赫。々。依。舊。照。大。東。無。
端。想。起。神。代。事。眼。前。今。日。感。慨。同。

松坡曰 一悲一喜七字一篇眼目不同尋常哀輓作

松窓曰 悼先帝登遐喜新皇登極臣子之至情叙得尤得體

青山大葬儀恭賦

莊嚴大葬仰皇威。深夜拜觀人未歸。不覺溥々零。
露。下。和。將。暗。淚。濕。裳。衣。

松坡曰 實際之語不損雅音

奉送

靈柩西巡鐵路遙。八音遏密聞秋宵。殷々吊砲聲。
收。後。俯。仰。乾。坤。極。寂。寥。

桃山大葬儀恭賦

翦鬱桃山絕俗埃。仙陵大葬盛儀開。天公釀雨知。
何。意。一。洗。更。清。靈。域。來。

松坡曰 三四奇想

奉悼詩節錄

終

癸丑元旦口號

鳳曆恰是屬丑年。好因干支賦新篇。請見變相五
牛畫。中間三牛影相連。或黑胴體或頭首。又見
全身玄更玄。畢竟此畫諷何事。欲證人間宿業纏。
別有復本還原妙。前後二牛純白鮮。今朝繙得傳
燈錄。好將此事上吟箋。從今願學比喻意。更期
真性純白全。

松坡曰 警世之語一讀三歎

咏牛

奉輓靈輻斑額鮮。天恩餘澤送殘年。不似犧牛寵

榮足。終供大廟豆籩遵。

咏乃木大將

唯願皇家不顧躬。闔門殉節仰殊功。將軍乃是木
爲姓。學得忠臣楠氏風。

松坡曰 三四亦復奇想未經人道

松窓曰 元弘三木明治獨木照映有力

癸丑天長節恭賦

八朶峯頭仙鶴翔。蓬瀛旭日有祥光。威靈護國三
神器。寶祚承天一系皇。明德何唯照東海。恩波
又是及西洋。遙思禁苑凌霜菊。朝賀衣冠惹晚香。

松窓曰 余未能賦一詩祝萬壽無疆今讀此篇感愧交至

大正四年二月東海大飛行壯舉可嘉口占得二首以

贈帝國飛行協會

八、朶、蓮、峯、好、目、標。蓬、瀛、洲、裡、度、雲、霄。巧、舒、機、翼、安、
於、鶴。凌、駕、仙、人、王、子、喬。

松窓曰 真然

千里飛行何自在。操機輕妙凌霞彩。這般壯舉耐、
誇、人。挾、富、山、兮、越、東、海。

大典恭賦 大正朝

山、河、襟、帶、映、金、鑾。卽、位、儀、成、窮、壯、觀。恰、是、舊、都、名、
號、好。邦、基、萬、歲、自、平、安。
聖、皇、登、極、瑞、祥、呈。日、月、光、華、天、地、明。翔、鶴、游、龜、多、
喜、色。五、雲、搖、曳、滿、蓬、瀛。
穆、々、儀、容、堪、景、欽。堯、仁、舜、德、仰、君、臨。國、光、秀、似、富、
山、秀。聖、澤、深、於、東、海、深。
大、嘗、禱、世、禮、愈、虔。皇、統、連、綿、萬、億、年。鸞、列、千、官、齊、
侍、宴。恩、波、溢、自、御、觴、傳。
步、障、繞、圍、幽、致、多。御、筵、大、饗、祝、時、和。主、基、悠、紀、地、
方、景。風、俗、畫、題、風、俗、歌。

登極今年屬卯年。兔毫恰是好因緣。誰能三長揮
椽筆。吏上大書千古傳。

松窓曰 雍容和穆真是太平之象

又 曰 皇風和穆兆民歡樂狀二十八字寫得在目前宜哉歌詩之不

可廢也

又 曰 不求巧而巧自合忠孝旨

勅題詩節錄

社頭杉

社頭杉樹綠苔生。鬱々葱々氣自清。老幹凌雲高
百尺。長將正直奉神明。

春石曰 一氣直下以淳樸勝

寄國祝

豐葦原邦寶祚昌。當與天壤傳無彊。曾從照祖授
神勅。聯縣到今一系長。宵衣旰食能圖治。總坤
維兮攬乾綱。七千萬衆皆忠勇。威武桓々震八荒。
臺韓全土樺一部。遠加版籍屬扶桑。又見南洋群
島嶼。萬里仁風旭旆颺。煮海鑄山收遺利。能益
國富增國光。至尊況又春秋富。攝生仙訣養健康。
只祈悠々延寶命。聖化誰不比陶唐。皇家逐歲開
奎運。果知福祉有餘慶。客臘親臨閱兵日。第四

皇。男。降。誕。祥。微。臣。聊。擬。華。封。意。先。祝。多。男。頌。聖。皇。

遠山雪

八。面。玲。瓏。照。八。荒。芙。蓉。峯。雪。聳。穹。蒼。使。臣。玉。帛。來。朝。日。先。自。天。涯。仰。國。光。

松窓曰 峻拔清峭他人不能擬

春石曰 立意宏大方見體裁

海邊松

磊。砢。倚。巖。露。根。松。枝。如。扼。腕。剛。健。松。克。敵。風。濤。是。此。松。男。兒。立。志。須。學。松。聖。主。不。題。尋。常。松。今。年。題。得。海。邊。松。豈。啻。叙。景。賞。奇。松。定。識。觀。感。寄。在。松。

松窓曰 亦是一格然此體古人多賦長篇蓋文人玩筆也

同

瀕海孤松鬱葱然。百尺鱗幹不知年。一朝雨霽天如拭。蒼髯帶露聯珠鮮。疑是龍王從水府。千尋凌波勢蜿蜒。一躍直慕聖明世。來遊沿岸白沙邊。

松窓曰 奇想自天外來

朝晴雪

晴雪皚々萬頃田。旭光斜射紅色鮮。天公降此豐年兆。覆育恩渥農作先。客歲米價貴如玉。細民困窮真可憐。至尊下問垂憐察。干啓內帑萬金捐。

宵。肝。求。治。圖。救。濟。觀。感。直。入。宸。題。傳。天。子。即。是。天。
之。子。一。系。天。子。仁。如。天。嗚。呼。大。東。瑞。穗。國。恭。頌
昭。代。祝。新。年。

松窓曰 天子即是天之子一系天子仁如天二句籠罩全篇見臣子之至

情

田家早梅

萬。株。梅。綻。橐。駝。園。春。淺。江。南。氣。自。暄。又。是。太。平。堪。
粉。飾。伴。佗。松。竹。上。都。門。
田。家。幾。處。早。梅。鮮。春。漏。南。枝。籬。落。邊。一。笑。應。迎。青。
帝。駕。花。中。祖。逖。着。先。鞭。

社頭曉

旭。日。將。生。影。瞳。々。半。空。如。染。拖。淡。紅。佳。哉。鬱。々。葱。
々。氣。老。杉。聳。處。韶。光。融。新。賜。宸。題。社。頭。曉。肅。雍
誰。不。起。敬。崇。赫。々。威。靈。神。如。在。萬。古。長。護。大。日。東。
一。系。相。繼。聖。天。子。瓜。瓞。連。綿。傳。無。窮。擊。壤。藜。庶。忘。
帝。力。家。々。驩。虞。太。平。風。興。家。畢。竟。在。早。起。早。起。
勵。業。必。成。功。鈴。聲。響。處。清。心。耳。破。卯。有。人。拜。神。宮。
稽。顙。不。知。祈。何。事。專。心。須。祈。家。運。隆。

松窓曰 皇威神德發揚無遺

旭光照波

和氣融々四海清。新年紅日上蓬瀛。祥光萬里波
瀾穩。春自大平洋上生。
旭陽紅輾半輪圓。光焰如然燃海鮮。波作金鱗搖
不定。神龍踴躍欲朝天。

松窓曰 詩亦有活機

曉山雲

雲吐山兮山吐雲。蓬々勃々滿山雲。爲雨爲雪時
變雲。快霽天上風掃雲。化育功歸四時雲。就中
最望何時雲。甘澤霑足夏山雲。欣抃誰復不感雲。
太平果見起慶雲。爛々光發東方雲。朝嗽孕在山

腹雲。紅輝照破山頂雲。美觀愈加是仙雲。縹渺
遂成五彩雲。應制欲咏曉山雲。先向硯池起墨雲。

松窓曰 奇想湧出亦猶滿山雲

春石曰 每句以雲字爲韻其筆變化與雲相追

同題

新高山聳雲鬣。曙光映處帶瑞氛。誰向宸題揮
彩筆。應制能奏翰墨勳。曉山雲兮表祝意。試就
題字一々分。曉字應訓明覺義。我皇聰明夙所聞。
近有儲皇當攝政。曉通允武又允文。寄山奉祝有
所感。新年第一吾欲云。不褻不崩南山壽。高唱

天保壽聖君。因雲更欲收末局。聊述微衷代獻芹。
聖君具備帝堯德。望之欽仰恰如雲。

松窓曰 一氣呵成不拘于常規是吾兄擅場

新年言志

太子聰明堪頌揚。迎年益仰德光彰。恭聞慶典期
方近。為唱關雎第一章。
森羅萬象與年新。億兆一心言志新。開化駸々競
先日。只應溫故更知新。

山色連天

山色遙連天一方。淡如殘夢望茫茫。絕巔紅日半

輪輶。上下分明自有祥。
臺灣縹渺水渺遙。中有峻巔連九霄。絕海名山歸
版籍。捧將壽色獻皇朝。

松窓曰 起承既盡題意三四不必拘

柳堂曰 說破險題卓々有餘地

峴南曰 氣象雄偉自見其胆

河水清

百川無盡不澄清。日域誰聞渭濁名。請見天潢一
源遠。朝宗混々入東瀛。

峴南曰 假彼表我國體淵源寫得筆力蒼老

五十鈴川徹底瑩。人々盥漱賽神明。愍勸跪拜祈何事。聖世清如此水清。

森田活佛齋華甲壽言

活佛齋是奇俠士。多年辛酸克濟時。或矜孤獨或鰥寡。施與不惜投私資。慈眼視衆心如佛。喚稱活佛誰亦疑。親宰町政有治績。感化普及德愈滋。餘技別有演院本。音節之妙解人頤。演到忠勇壯烈曲。滿場感激暗淚垂。裨益世道亦不尠。好此餘技寄遊嬉。豪氣愈加身愈壯。眉宇儵然仰仙姿。餘慶應受無量壽。壽篇先祝華甲期。

松窓曰 一氣呵成妙在筆無滯礙

時事

深夜鈴聲警四街。報書忽到自天涯。咄嗟先展地圖坐。點檢那邊尼港街。蠻酋劍戟襲人時。慘殺百方無不爲。一々投江未殊處。叫號溺去夥流屍。休以人情論虜情。元來巴賊暴而橫。從今風雨大江夕。長聽啾々鬼哭聲。無罪爲囚投監房。曳來斬首大江傍。壁題年月與名姓。深恨仍書必勿忘。

吞恨鐵窓聞慨呻。同朋就戮太頻々。死期將逼慘
相語。昨是侂人今我身。

奈彼豺狼恣奮權。援兵不到北陲邊。驚天動地事
何慘。有史以來今始傳。

斷人手指奪金環。醜賊所爲全土蠻。典去旗亭時
買醉。更將凶暴脅生還。

追捕姪婦剖其身。手摑胎兒繃弄頻。何物爲茲殘
暴事。看侂人面獸心人。

松窓曰 尼港慘事余不忍復言也此詩能寫實况足使人有所鑒戒願當

路之士報復深恨使死者瞑千祈萬禱

萩小學訓導勤績三十年功績顯著今茲天長節佳辰
拜受金牌銀盃賦此以表祝意

自從聖勅煥發日。一意奉旨不踰閑。回首勿々三十
十歲。左提右擎導童頑。諄々訓誨不知倦。佳辰
剛逢恩賜頒。金牌在胸銀杯手。照映瓶菊燦爛間。
奉賀謙兼自賀謙。一家團樂醉開顏。

松窓曰 金牌二句新穎不傷雅

奉送東宮西歐遠航恭賦

堂々峨艦度溟茫。海若先驅鮫鱈藏。遠向殊方耀
皇德。外遊豈啻爲觀光。

埠頭低首送儲君。如此盛遊曾未聞。異日應期資
治國。英邦閱武佛邦文。

松窓曰 忠愛至情自見于筆端感佩々々

東宮從西歐歸朝奉迎恭賦

峨艦堂々回航日。歡迎如湧萬歲聲。滿艦旌旆
錦麗。五雲黻黼瑞象呈。寶船浮來蓬萊水。鼉背
駕山入東瀛。所載不是財寶物。七福人寶何足榮。
儲皇別有智囊大。治國資料此中盛。百聞真不如
一見。可以富國可強兵。異日頒此囊中寶。應賜
七千萬蒼生。

松窓曰 奇想出人意表吾兄獨擅技倆

奉迎英皇儲恭賦

東海之涯西海濱。同盟長締一層親。薔薇香色元
佳絕。更訪櫻花國裡春。有朋正自遠方來。禁苑逍遙亦樂哉。恰是陽春駘
蕩節。百花絢爛爲君開。

聞兒嶋高德墳墓發見有此作

春宵警拆絕。櫻花護行宮。衛士眠熟處。白樹寫微
衷。櫻樹已枯朽。芳名傳大東。史官何早計。抹殺
國史中。縱有口碑在。難奈證左空。豈圖中島子。

老齡氣益雄。訪古志尤篤。多歲費探窮。一夕入奇
夢。公靈定感通。五輪塔碑石。叢中發堀終。洗見
名字刻。字畫見古風。好將此證左。史上定奏功。

松窓曰 維新以來史官早計往往抹殺名賢事跡真可憤慨今讀此篇大

強人意不獨句之工拙

賞菊

風節孤高不可侵。凌霜秋色玉敷金。賞花吾與陶
家異。何學當年把玩心。

喜雨口占

雨足稻田萬頃青。旱災救濟仰天靈。古文好頌祝

規意。朗誦坡翁喜雨亭。

松窓曰 予亦旱天每誦喜雨亭記與君同趣

答人問近況

東西應聘不為疲。枉被師名耻小知。漫慕匡衡儒
雅趣。說詩未足解人頤。
齋軸幾人來訪時。笑求鑒定卷還披。強分眞贋非
吾意。讀書評書暑影移。

冬夜客到

風雨入夜未歇時。剝喙敲門果是誰。豈有黃袍微
行客。一笑出迎是舊知。主自燒肉妻行酒。熾炭

爐頭暖熨肌。慷慨議政非我事。清談發興忘時移。
臨歸慙懃互相約。他日同訪江南涯。梅花樹下策
驢去。東風第一着新詩。

松窓曰 筆致跌宕一讀快人意

春石曰 平々寫去中有佳處

恭書儲皇登嶽圖後

太子旗纛瑞氣鍾。宮臣供奉仰高蹤。近觀天日聞
仙鶴。立馬扶桑第一峯。

松村琴莊曰 觀日峯景此入新描格凌金元調駕范蕭

陪侍近臣誰不驚。琤然玉佩向空鳴。嶽神亦是應

相和。三唱齊呼萬歲聲。

遙拜東方至孝情。五雲生處定宮城。親裁玉簡托
鳩使。直自峯巔向帝京。

東宮册妃慶典恭賦

關雎一唱祝春宮。合盃儀成瑞氣融。八朶蓮峯遙
上壽。萬年雪映玉杯中。

長田盤谷曰 平正無鄙氣可以祝

鋒滴凝生淡路洲。鶴車曾是仰巡遊。二尊冥護成
婚典。神契千秋又萬秋。

松窓曰 立意雄濶大快人目

東宮慶典仰隆昌。風物和雍帶瑞光。冰解御溝春水暖。旭紅影裡浴鴛鴦。

松窓曰 肅穆雍嫺不必求巧

奉詠攝政宮殿下臺灣南巡記事

歡迎鶴駕綠門開。生產場高異物堆。好是南風薰徹日。如天覆育阜民財。觀風察俗到南臺。欲養他年統治材。不問土蕃生與熟。同仁一視撫民來。芭蕉椰樹綠陰清。鶴駕好追佳景行。快雨收來天似洗。蠻烟瘴霧一時晴。

萬歲聲中鶴駕回。蠻童景慕亦奇哉。蠻庭拜送尋靴跡。泥土忽磨肌面來。

蠻女盤旋演舞中。俚謠俗曲語難通。此間自是饒佳趣。表出山鄉淳撲風。

港灣一帶罩祥烟。解纜高砂仙島邊。行值春宮降誕日。船中張宴壽遐年。

奧野量一君福良灣頭與其友同舟釣魚誤失櫓將拾之殆瀕危君投海得救之而君却溺沒終不發見死屍云賦

短古一章以吊之

咄嗟投海救友僚。却逢溺沒恨難消。刈藻島邊何

正
慘。儻。身。同。魚。藻。共。漂。搖。惆。悵。望。君。終。不。見。空。對。
無。情。去。來。潮。

松窓曰 奇禍却失善士痛歎

題蘭

蘭。生。幽。谷。白。雲。鄉。馥。郁。花。懸。斷。崖。傍。脉。々。清。風。吹。
不。絕。無。名。凡。草。帶。餘。香。

觀海曰 託興幽深

烟島

淡路福良灣內一孤島而樹木鬱葱中有平家公子敦盛
首塚句中故及

舍舟此地試攀躋。懷古墳前首自低。蒼茫烟島篆
烟起。一炷燒香吊菩提。

老松交影島中天。擁護王孫首塚邊。月夜蕭々清
籟起。恍疑青葉笛聲傳。

峴南曰 俯仰千古音韻鏗然

柳堂曰 撫今憶古感愴愈切

但馬地方震害書感

滿眸無物不悲酸。奈此災餘救濟難。光景如斯何
所比。關東震害縮圖看。
無端發掘死氓身。水曲山隈火葬頻。載鬼一車曾

聽語。睽孤。今日見其真。
 劫風捲地漲炎烟。腥氣襲人深夜天。紅紫青黃焰
 生滅。恍疑鬼火幾團燃。
 劈耳轟然餘震催。一彈指頃一齊摧。傾危僅是支
 持者。半潰家為全潰來。
 豫言誰卜但州邊。豈有震災條脉傳。今日初知屬
 虛誕。安全地帶不安全。
 北但山河屬震源。却餘風物儘傷魂。寄言百萬關
 東士。須報當年救濟恩。

峴南曰 慘狀歷々讀此不泣者則非人也

又 曰 驚魂動魄之狀寫得慘憺使人不禁卒讀

又 曰 焦眉之急豈附忽諸

柳堂曰 使人酸鼻

咏訪歐大飛行贈安邊氏等四勇士

鵬機振翼大扶桑。遙指歐洲天外翔。縮地真成比
 鄰感。仙方何羨費長房。

觀海曰 時事可咏者甚多此篇運用典故以出新意先獲余心

銀婚式恭賦

上林佳氣帶祥烟。恰是銀婚奉賀天。新樹欣々向
 榮日。孫枝重葉鬱葱然。

峴南曰吐又誠惘能代表億兆心事

郊外所見

露滿西郊殘月斜。風流却屬野人家。竹籬破處不須補。附與牽牛點綴花。

觀海曰亦是妙案

安覺精舍觀菊 席上呈真鑑上人

悠然采菊蕊香濃。聊傲淵明高踏蹤。不見南山作何事。笑看開闢最初峯。

同題

逸興偶尋山寺菊。涉趣悠然弄芳叢。中雜晉時舊

名種。金葩帶露綻秋風。遠公居如陶令宅。拈花師似掇英翁。風流禪味歸一理。悟入不二法門中。

雪達磨

雪。擬。禪。僧。丰。格。高。不。須。面。壁。九。年。勞。玲。瓏。映。射。真。如。月。直。自。眉。間。放。白。毫。

觀海曰奇想匪夷所思

郊村訪秋

幾處楓紅夕日前。尋秋吟步近郊天。不關南北阮貧富。共是籬頭曝錦鮮。

觀海曰率爾成詠技倆自見

鉦齋曰奇想

陀佛溪觀楓

本來諸行是無常。風拂楓林紅錦颺。安得高僧念
陀佛。咒留秋色少時長。

伊藤雨外遺稿卷首揭蜂須賀正昭候揮毫俊逸清新四

字恭分冠句頭賦七絕一首云

俊才時賦好詩來。逸興飄然呼快哉。清白情懷何
所比。新春竹外一枝梅。

雨外伊藤翁追吊祭席上

雨外翁是豪宕士。二世相承名姓馨。達識處官能

有績。不似皓首守一經。生來氣焰千萬丈。時吐
豪句樂餘齡。一朝豈圖上僊去。淡州詞林奈凋零。
髣髴魂兮不降格。乘彼白雲遊帝庭。掃墓跪拜似
徒事。尊崇仰祭在天靈。

觀海曰聽秋一時之名家雨外承之亦有詩紫淵頃贈其遺稿余幸一讀

此詩蓋盡雨外平生者也

奈良懷古

躊躇感觸問南都。宮闕無踪况郭郛。十丈金仙勝
翁仲。千年神廟接浮屠。馴人鳴鹿求芳餌。迎客
嬌娃售地圖。吊古猶傷六朝迹。回頭誰不想規模。

觀海曰 奈良風景如目睹

中秋宿僧家口占書感

三五秋爽梵王城。階砌按句坐三更。皎々夜色明
如畫。照見多少古墳塋。碑石纍々相峙立。高低
大小影分明。誇大銘文刻行蹟。遠向身後垂姓名。
死者猶似爭榮利。況是生者無饜情。對此今宵圓
滿月。耻吾十年志未成。一笑煩惱塵念起。上乘
解脫悟未生。

觀海曰 敘事周匝中具一見識

松坡曰 死者二句沈痛刺骨一結灑脫

初冬漫吟

咄嗟欲補紙窓破。詩稿漫向筐底求。風流補得不
要巧。唯奏寒風防禦謀。請見廢物新利用。比佗
覆甕稍覺優。

松坡曰 奇崛簡峭

雪竹

雪竹傾斜欲倒頻。剛逢旭日送暄晨。請見君子能
全節。壓者將亡屈者伸。

時事節錄

日清戰爭中作

陸戰大捷圖

鬼策神謀拔陣門。憐佗胡敵捲旗奔。何如精鍊人兼器。日本刀兮日本魂。

海戰大捷圖

曾聽元寇歸摧岬。今見清船逢敗覆。鰐腹葬身豚尾奴。長教怨鬼洋中哭。

山縣水月曰 警拔

粉蜜濛幢清國軍。旗艦狼狽歸燬焚。失却徽章蛇蜿影。簇々媒烟帶妖氛。疑是黃龍亡滅去。不起風雨空殘雲。

不日將有激戰我軍大捷可卜也書感

咄咄豫期亡敵酋。三軍奮激氣吞牛。若將古句擬此意。山雨欲來風滿樓。

偶題

胡將觀劇劍戟忘。鱉幢轟沈海一方。波瀾急。活劇場。

攀山縣大將在朝鮮遇重陽瑤韻

鐵馬嘶風新戰場。韓山橫槩賦重陽。堅冰將到知思警。既履平安道上霜。

征清戰死者追悼會席上

馬革裹屍殊域天。長教麟閣姓名傳。忠魂凜冽猶

無死。應與皇軍共凱旋。
天師破虜一齊摧。吶喊聲搖山岳來。砲火如花觸
身散。芳名永布牡丹臺。

咏山地中將

韜畧神通誰不重。敵軍圍潰無途壅。用兵秘訣李
鴉兒。獨眼龍兮仰驍勇。

王師連捷記喜 日露戰爭中作

胡疆占領逼根基。一捷奇於一捷奇。漸覺兵機入
佳境。匹如甘蔗倒餐時。

松坡曰奇想

時事偶感贈黑木將軍

齡僅八歲英國兒。豪邁卓落是天資。龔堂偶聽日
露戰。鴨綠江頭爭雄雌。烏合露軍竟敗績。日軍
叱咤幾窮追。鏖戰如此未曾有。日本將軍知是誰。
名喚爲楨姓黑木。統率貔貅第一師。茲兒傍聽感
激極。談話逼真興更奇。英國會締同盟約。當此
大捷喜難支。歸家親記感謝狀。郵送萬里天一涯。
將軍馬上帶笑讀。返書慇懃寄所思。併封小照附
郵使。真影只許一家知。不許他人來相見。偏怯
衆多乞贈遺。想當真影落兒手。仰欽颯爽英傑姿。

嗚呼海外兒童感如此。何怪海內驍名馳。

松坡曰 以韻語寫時事毫無窘澁之態可見老手

旅順陷落記喜

忽接大捷快報到。狂喜拍案呼幾回。憐殺金城鐵壁險。王師奮擊如朽摧。真箇旅順名為讖。軍旅大戡追順來。

松坡曰 落想新奇

戲作狂體

笑揮椽筆書日誌。日是直立露傾危。彼我國體亦如此。字面寓意自誇奇。風流時作無用戲。何妨

狂態似痴兒。

團匪騷亂列國征討記事 東洋戰爭中作

惟昔清正征三韓。手揮白羽跨鐵鞍。鬼上官名振寰宇。鷄林八道人膽寒。今年列邦討拳匪。金鼓堂々戰正闌。先登功歸日章旃。太沽天津冒彈丸。勢似猛虎驅羊豕。金城鐵壁悉摧殘。快絕人間寧有此。歐軍將士瞠若看。英將指點我隊長。嘖々頻稱鬼士官。嗚呼日本男兒毛生膽。自古王師武桓々。鬼上官兮舊史錄。鬼士官兮新史刊。

松窓曰 結尾一掉全篇生動

松坡曰 壯烈無比可以補史缺

歐州戰亂漫吟節錄

獨帝戎衣立陣頭。敗聞頻到奈煩憂。怒號縱使震山谷。果是千軍振勇不。

獨軍八士太頑強。暗混英兵摸扮裝。狙擊唯期除敵將。請看蠻行出奇方。

別有航空機隊輕。歐州戰術極文明。壯觀更壓奈翁役。誰博空前絕後名。

塙塞曾從覺隙生。歐州大陸砲煙橫。世人競說聯邦戰。似忘根源兩國爭。

飛自雲霄投爆丸。可憐堡砦忽摧殘。復讐今放射空砲。粉蜜功成敵膽寒。

晃山御苑迅雷鳴。近侍何堪恐懼情。聖主從容含笑語。瑞祥可比國威轟。

統率佛兵能奏勳。末男伴得共忠勤。男兮雖斃亦何顧。勇似皇朝朶將軍。

英兵無事樂平安。白國河邊呈異觀。率意誰為釣魚戲。銃竿好是換漁竿。

松窓曰 皇國男兒奮起報國實在今日一讀呼快

右時事節錄數題日清戰爭實記日露戰爭實記東洋戰爭實記劍舞詩集等所

載戲作狂體一首揭在日露戰爭記及寧齋編百花欄

平和約成喜賦

飲園點評語

西歐一從開罅隙。彼我形勢互競強。勇猛如彼何
所似。餓虎嘯風擅猖狂。睥睨目我如狡兔。爪牙
鳴處不可當。壯烈如我何處比。蛟龍捲雲向空翔。
咄彼長蛇畏縮去。山中有穴跡全藏。折彼暴威賴
何事。聯軍韜畧極奇方。回首長是鞭萬馬。叱咤
汗血幾戰場。自寅及午經五歲。天日慘憎風雲荒。
去冬締結休戰約。講和誰是不翹望。今年何幸年
屬未。奉祝豫卜大平祥。大使陶公銜朝命。星槎

萬里度溟茫。樽俎折衝豈容易。今年亦奈殆過央。
飛電忽自天涯到。平和約成士氣揚。果是瑞祥現
今日。好因干支入雅章。畢竟羊是柔和物。恭賦
平和擬馴羊。

大正四年元旦試筆

征清征露又征獨。三戰膺懲偉業成。壯烈壯烈更
壯烈。環視列邦誰不驚。嗚呼扶桑君子國。終博
東洋最强名。猛將勇士解隊去。錦衣歸鄉荷恩榮。
新年宴兼凱旋宴。萬民謳歌仰聖明。

時事節錄終

以下係昭和朝

戊辰新年偶興

登極興儀在此年。戊辰祝得好因緣。瑞雲氣釀禁
園上。恰是成龍五彩鮮。
狂草何人壯紙鳶。大書龍字勢蜿蜒。卷舒權在兒
童手。笑待風雲仰九天。

勅題海上風靜

太平洋不負太平名。隔海芙蓉嶽雪清。萬里風微帆
影直。白鷗浮處見徐行。

勅題山色新

嶽麓草堂恭酌醇。笑迎竹外一枝春。隔花八朶峯
頭雪。看到今朝一段新。

大典奉祝勅題菊盛

珠簾揭處帶朝陽。禁苑菊花生彩光。風度仙葩恩
露迸。清香時和御爐香。
菊有秀兮秋色佳。滿庭香氣入書齋。應期名種供
天覽。移得金盆上玉階。

東籬燦爛綻秋風。飽冒霜威氣象雄。聖德應嘉全
晚節。御題勅賜寵榮隆。

八洲秀麗菊花繁。更入今秋御愛尊。萬里香風吹

不。斷。自。教。清。氣。滿。乾。坤。

天長節恭賦

古。曲。洋。々。鼓。五。絃。頌。揚。舜。德。雅。音。傳。南。風。薰。徹。阜。財。日。恰。值。聖。皇。降。誕。天。

藜菴梅嶼宗匠十七回忌辰次秦嘉泉翁詩韻賦奠

慇。懃。君。好。接。朋。曹。快。似。麻。姑。痒。處。搔。祭。壇。獻。句。知。多。少。誰。及。梅。翁。着。想。高。

梁。妻。賢。德。接。吾。曹。笑。執。荊。釵。鬢。髮。搔。祭。後。饗。如。仕。夫。禮。珍。羞。舉。案。與。眉。高。

溪。頭。灑。掃。待。辭。曹。庭。上。痕。知。鳥。爪。搔。迎。得。燒。香。禱。

冥。福。沈。檀。靈。氣。襲。人。高。

勅題田家朝

幾。寸。麥。苗。抽。碧。針。曉。巡。隴。畝。試。幽。吟。紅。暎。送。暖。融。殘。雪。零。露。溥。々。聖。澤。深。

同題

雙。夫。婦。共。耨。田。園。耄。耄。居。家。護。幼。孫。龍。臥。梅。開。紅。旭。麗。南。軒。曝。背。亦。君。恩。

同題

田。家。烟。是。明。治。代。田。家。早。梅。大。正。時。宸。題。中。寓。憐。農。思。聖。皇。相。承。仰。仁。慈。今。皇。昨。舉。登。極。典。齋。田。

美穀供祭儀。况聞試植禁苑內。稼穡艱難親自知。
國家從古農為本。瑞穗洲中惠澤滋。今年題亦同
其轍。田家朝兮撰得宜。微臣併得三題意。欲通
三代賦一詩。溪村曉霽炊烟起。簇々影颺流水涯。
野老且知競先世。瓦瓶笑插早梅枝。

觀海曰 平叙有太平氣象

神光寺賞杜鵑花 率賦似性賢上人

三春色即是空終。籬畔也看灼々紅。山衲慙慙導
騷客。拈花微笑立庭中。
老僧種樹有高評。滿朶如燃庭色明。想見山房殘

月。曉。杜鵑花上杜鵑鳴。

恭謁高野山靈廟

賽去祖師靈廟隈。無明橋上是歸來。誰知蕪鬱長
杉下。經路暗隨阿字開。

宿同山某坊即事

溪杉圍繞古禪臺。午夜雨收雲乍開。零露溥々庭
院冷。真如月影近人來。

田邊碧堂曰 實境寫得佳

觀海曰 善得淨境夜趣者

嵐山一泊即事

補 終開寺少

客去更闌絕俗塵。冰蟾高照一溪春。孤吟占斷看花福。渡月橋頭渡月人。

哭石上濤園翁

壓倒關西翰墨筵。筆下雲烟自有權。無情天公不假歲。一封飛電郵使傳。近來騷壇何寂寞。張李相逐去上僊。一夜憶翁睡難就。早起仰天轉凄然。天上人間何太似。落落晨星懸曉天。

夏日偶興

何處夏尤涼。夏涼海一方。頭顱著彩帽。短艇競先忙。當其決輪贏。凱歌衝雲揚。

何處夏尤涼。夏涼海一方。西瓜大如斗。半浮水中央。誰先手攫者。女生亦上場。

何處夏尤涼。夏涼海一方。垂綸大公望。不釣亦何傷。釣魚去換酒。獲詩喜欲狂。

鉦齋曰 夫子自道

何處夏尤涼。夏涼海一方。樓船載名妓。誰家遊冶郎。一擲千金興。絃歌唱和長。

何處夏尤涼。夏涼海一方。仰臥手把筆。浮浪猶橫牀。題字白扇面。終達標旗傍。

己巳中元書感

今年何事大旱魃。祈雨旦夕仰天歎。可憐粒々辛苦態。農夫爭得寢食安。豈圖盡日猛雨襲。稻田水足生濁瀾。不殺人兮仰天道。此歡豈啻野老歡。恰屬中元踏歌節。城市賀雨佳氣攢。舞妓前後絃歌到。新唱竹枝聚為團。別有青年假裝隊。千姿萬態呈奇觀。又見妙手誰家女。長袖翩翩古曲彈。釵光鬢影參差是。時有麝薰襲鼻端。幾處踏歌婆娑影。夜欲闌時興亦闌。街頭雜沓何籍甚。闖入吾亦帶笑看。歸家率爾賦所見。菲才奈此着句難。興盡悲來感何耐。呻吟無端徐倚欄。昨年喪妻今

亡。嗣。情。緒。淒。酸。淚。未。乾。兩。箇。燈。籠。軒。頭。掛。證。號。照。來。燭。光。寒。熒。々。紫。瀾。今。老。矣。六。十。三。翁。吊。影。單。人。間。淒。酸。何。唯。我。俯。仰。心。知。天。地。寬。

觀海曰 自喜兩叙到中元踏歌一轉入自家恨事真情流露讀去嗟嘆久之然翁之不幸不如余之不幸也

時記念日即吟

禹惜寸陰陶分陰。漢士美談傳到今。聖主賢臣猶如此。箴規誰不起仰欽。泰西人士曾有語。由來光陰是黃金。寄語諸生日三復。孜孜須養惜陰心。

觀海曰 懇到之言可敬聽也

鉦齋曰 開闢有法

題熊田青峯畫辻敏君肖像上應囑

君姓辻名敏明治廿二年五月生我淡鮎原村下組
人性溫順四十二年四月任訓導爾來二十年竭力
育英今春退職父兄子弟惜之創同窓會歲時相聚
揭肖像慕其德君尚壯專勵家業傍勗公益云

賦巴調一首以供一粲

菅公祠畔有鬢堂。夙將梅花充徽章。每說凌寒花
高節。教得堅忍修道方。佳名古稱好文木。葩光
葢氣與文昌。子弟中出俊髦士。二十年來感化長。

尚期孜孜益勵學。飽使此花吐清香。

偶興

不關貧富與尊卑。慙懃迎客不叱狗。北海樽開會
詩仙。萬丈氣焰衝牛斗。李白鬼才詩百篇。猶澆
磊塊一斗酒。一笑勃然奇想催。酒力以外又何有。

鉦齋曰 宛然青蓮口氣

既吹無孔笛。又撫沒絃琴。只解此中趣。千古是知
音。大悟入玄理。窺見哲人心。

觀海曰 語短意長短古上乘

鉦齋曰 篇中白眉

袖海曰 如讀寒山詩

避暑詩

僻。陬。散。策。入。絕。澗。萬。章。松。杉。鬱。葱。々。浮。嵐。空。翠。含。
 靈。秀。清。涼。世。界。自。生。風。苔。蘚。綠。濕。鞋。底。滑。旁。求。
 仙。芝。度。幽。叢。行。到。竹。深。草。密。處。白。晝。猶。聽。唧。々。蟲。
 冷。氣。自。覺。衣。單。薄。恍。疑。身。在。素。秋。中。仰。見。飛。瀑。懸。
 巖。壁。響。如。萬。雷。耳。欲。聾。白。日。時。有。窺。樹。隙。斜。射。
 飛。沫。生。霓。虹。我。亦。胸。有。霓。虹。氣。吐。凌。萬。丈。向。蒼。穹。
 隔。溪。大。聲。呼。且。疾。平。然。危。巖。伐。木。翁。幾。回。欲。問。歸。
 路。捷。水。聲。奪。將。語。難。通。

觀海曰 往々有佳所

津伯航空巨船着霞浦喜賦

己巳八月十五日。一大浮城乘曉晴。遙從西歐一
 都會。飄然東來如雲輕。丈夫胸中吞宇宙。長風
 拂面萬里程。綠叢中有紅一點。纖手褰裳加遠征。
 窓間決眦按圖客。山川風土倏忽更。粟散豆人又
 寸馬。望遠鏡裏太分明。轉到深林蒼鬱上。嵐氣
 稜々凌空生。樹間往々獵猛獸。殷々如雷砲聲轟。
 誰展新戰圖一幅。機上追吊英雄坐。直將花環巧
 投下。荒涼墓前燦落英。已踰烏拉絕頂嶮。如鋒

如、戟、幾、崢、嶸。堪、賞、高、山、花、卉、異。五、采、絢、爛、不、知、名。
滿、眸、何、啻、慰、藉、料。也、起、慘、愴、悽、愴、情。忽、見、連、山、大
失、火。漲、空、黑、烟、使、人、盲。可、怯、水、素、引、火、氣。轉、舵
更、增、速、力、行。地、近、北、洋、雪、山、岷。人、封、冰、窟、作、溫、坑。
凜、冽、劈、肌、寒、何、耐。奮、飛、直、入、大、東、瀛。仙、寰、自、在、烟
火、域。彩、雲、生、處、是、東、京。盤、旋、盤、旋、知、幾、度。船、首
伏、拜、鳳、凰、城。日、暮、雄、姿、下、霞、浦。萬、歲、聲、湧、萬、衆、迎。
航、空、既、過、四、晝、夜。慰、問、讌、開、舉、巨、觥。好、是、日、獨、緊
握、手。太、平、洋、上、護、太、平。

鉦齋曰 堂々大作足與津伯航空船競雄

周甲自述三首 折一

淨法寺 得堂

青、衫、廢、學、易、工、商。暮、計、朝、營、職、所、當。只、合、懋、遷、聊
報、國。何、圖、折、閱、動、愆、方。富、貧、相、半、身、無、累。雅、俗
之、間、心、未、荒。老、去、唯、親、詩、與、酒。微、醺、乘、興、理、奚、囊。

次韻

紫瀾

或、爲、工、匠、或、爲、商。攘、臂、何、之、無、不、當。要、是、忠、君、興
國、道。豈、唯、處、世、立、身、方。貽、謀、後、嗣、勸、勤、勉。示、範
今、人、戒、怠、荒。老、餘、載、筆、尋、山、水。幾、多、佳、什、滿、奚、囊。

訪山添俊雄君宅楣上顏深藏若虛四字即成齋重野翁

書也分其字爲韻

先考 竹溪

飄然入君邑。宛似歸巢禽。殘梅春留色。新月寒生陰。阿戎交阮籍。韻情分外深。

揭楣額成齋。懸壁幅晚香。君不傾蕉葉。令我飛羽觴。清談如木屑。霏々無盡藏。

氣象如鴻鵠。浩然凌碧落。遇疾辭官海。應厭交燕雀。鎮日樂琴書。有時訪蘭若。

村有隱君子。捷遲托農漁。家在僊山麓。風光畫不如。主人多腹笥。吐要凌太虛。

同題次先考韻

男

紫瀾

退休何所似。倦飛知還禽。故園書窓下。耽讀惜分

陰。尤好老莊說。虛無悟入深。

成齋先生筆。淋漓麝煤香。四字分爲韻。呻吟頻傾觴。江湖博募句。君家充珍藏。

風流脫塵煩。資性本磊落。溟海跳鯤鯨。藩籬翔燕雀。須知我分安。何歎不相若。

結廬溪山界。耕餘樂樵漁。悠然忘物我。詩禪歸一如。此間有真意。陶潛語不虛。

觀海曰 間有曠達語

自著詩鈔成即賦

發售紫瀾詩一編。店頭購客互爭先。寒厨聊覺加

春色。休道文章不值錢。

元旦口號

六十四翁迎歲新。支願搖膝苦吟頻。鄉人不識徒駢字。誤喚淡州唯一人。

煙霞深處樂餘年。恭咏宸題年又年。詞藻欄中多知己。假將新紙賀新年。

勅題海邊巖

海門巉巖碎激瀾。化為烟霧向空搏。奪却滔々逐風勢。長使林麓保平安。縱雖風雨險惡際。保障偏能當危難。尤好爽絕新霽日。巖前風光適靜觀。

烟鬟淋漓翠欲滴。一幅米點幾峯巒。時有一群白鷗到。銜魚巖上休翅翰。有功如此豈無報。維石巖々堪賞歎。今年忽入御題裏。點頭應感宸襟寬。

觀海曰 平叙多姿態

海邊巖

奇巖怪石雜然列。輕舟環視尤足珍。如羊如熊又如虎。似犀似象或似麟。柔和者與狂暴者。群居起伏互相馴。疑是毛族出深谷。共浴恩波東海濱。

觀海曰 是弄奇者也

鉦齋曰 奇構

潮打巉巖翻雪寒。剛堅其質不摧殘。宸題自寓太平象。邦國長兼盤石安。

觀海曰平穩

月瀨觀梅節錄

梅花名境古稱奇。一曳吟筇慕往時。朗誦何堪盛衰感。拙翁遊記賴翁詩。

即景

茲地有保勝會擁護切至句意故及

此地梅花天下傳。玉龍影老墨溪邊。滿身苔蘚多恩露。蒼白髯鱗古色鮮。

即事

起嗅寒香既是三。呼茶溪店對翁談。糖漿浸漬熟梅好。餐得甘酸世味諳。

觀海

曰韻字亦酸不輕餐為可呵々

欲建山陽遊趾碑。最佳爽塏尾山陲。花時韻士來多少。應唱先生得意詩。踈影暗香愜我心。步從山下度溪潄。觀梅客比觀櫻客。便覺風流一段深。

一泊即事

早起尋花乘快晴。槎牙夾岸萬梅橫。晨星点点隨波動。恍誅溪流浮落英。

賀中村氏昇任鐘紡重役率賦奉呈

屹立烟筒天柱聳。龍蛇影躍黑烟颺。紡績機業好
成績。三千工女齊上場。場長君是就任後。奮勵
一番誓更張。統御第一主慈愛。二十年間奉職長。
一糸不紊紡機巧。彰表示範戒怠荒。更設教壇能
勸學。通俗例話說五常。時卜佳辰容娛樂。終日
與得慰安方。率先將衆衆心服。塵務忙中不厭忙。
處理纔終偷寸暇。餘事也見動吟腸。可欽胸中閑
日月。喚爲英雄也何妨。經綸天下在他日。偏爲
紡業試才良。自號庸軒謙語耳。超群人品德益彰。

果將後輩擢重役。同僚有誰不羨望。年少曾修蟹
行字。對話通譯能入堂。學識如此豈易獲。腹笥
兼藏和漢洋。曾遊歐米博聞見。幾多資料盛智囊。
應用之妙即在此。隨處臨機無不當。家風元來尙
諄撲。內助有人運益昌。料識歸家團樂裡。自賀
小酌興將央。恰對庭梅栽玉處。一脈花香和酒香。
起揮醉筆春氣動。紙上啓蟄見龍驤。可知人意應
天意。自然無物不瑞祥。向君欲寄只一語。從此
加餐增健康。茅海濱兼熊山麓。幽棲占斷神仙鄉。
烟嵐葱々又鬱々。波濤渺々還茫茫。浩然吞吐山

正 海氣。悠悠壽域永無疆。

觀海曰 叙事詳悉可以充中村氏傳矣

哭熊田伯樂翁

夙參縣議名望隆。又逐大鹿伍群雄。時非未至展
驥足。遺恨齋志伏櫪終。君性愛馬能相馬。蓄產
會場奏殊功。對衆曾說相馬法。欲知神駿視雙瞳。
顧視清高杜老句。達人所見隔世同。宜矣一鄉皆
敬慕。相共奉號伯樂翁。嗚呼翁也逝不返。追懷
往事感何窮。恰屬蕭々黃梅節。滿天烟雨轉濛々。
龍馬誰復憐神駿。振鬣空嘶千里風。

幾歷須磨明石驛。車窓南望一青鬢。白頭未踏空
馳思。豈料詞壇獲紫瀾。

遙寄紫瀾子

永原 鉦 齋

未見其人見其詩。詩有風格人可知。紫瀾其人詩
爲命。咳珠唾玉吐瑰辭。妙想時從天外落。高懷
素匪夷所思。善戲謔兮不爲虐。綺語猶期名教裨。
想見其人才兼學。便々腹笥藏珍奇。利名途上早
回踵。半生甘作鄉黨師。嗚呼淡洲山水秀靈氣。細
縑產出快男兒。曾遊愧我徒齷齪。沙鷗閒處相見

遲。雪泥痕消十餘歲。扁舟何日載酒隨。登樓南望
誦君句。髣髴青螺白雲垂。

藤谷君紫瀾詩鈔刻成被寄一本忙裏繙讀不覺叫快哉

率然賦此却似併乞政

疎雨老人

荒川宗

補紫瀾詩鈔畢

附錄

掲載新聞雜誌

紫瀾詩鈔中ノ詩篇ハ新聞ニテハ大阪朝日新聞、神戸新聞、神戸又新日報

萬朝報、大阪時事新報、東京毎日新聞、淡路新聞等ニ多ク掲載セリ

雜誌ニテハ日本大家論集、大陽、日本及日本人、筆之友、書道、兵庫教

育、好文子、實業淡路、淡路評論、佛教雜誌ニテハ傳燈、同學、高野時

報、六大雜誌等戰爭時代ニテハ日清戰爭實記、日露戰爭實記、東洋戰爭

實記百花欄等以上當時選者ノ評語及圈点ヲ附シタルモノヲ編纂ス

轉載詩集 老生ノ拙吟モ僥倖ナガラ以上大新聞雜誌中ヨリ拔萃セラレタ

ル數篇ハ既ニ日本名家詩集、青年朗吟集、劍舞詩集等ニ轉載ノ榮ヲ得シ

コトアリ

署名及希望

大方諸彦他日詩鈔編輯ノ時ハ卷中若シ隨意採録スルニ足ルモノアラバ尤モ喜ブ處ニシテ署名ハ藤谷紫瀾、紫瀾藤谷哲何レニテモ可ナリ然レドモ誤植ナキヤウ注意ヲ望ム若シ轉載アラバ一部寄贈ヲ望ムモ不可能ナレバ必ズ購讀ス故ニ出版所編纂人書名定價郵稅ヲ記シ端書ニテ報告アリタシ老生耄碌ノ餘門人ト共ニ自作原稿ヲ整理シ昭和四年十二月第一版ヲ發行スルヤ、賣行非常ニ多ク今又第二版トシテ補正紫瀾詩鈔ト改題發行スルニ到レリ

昭和五年一月二十三日大阪時事新報新刊紹介欄掲載

▼紫瀾詩鈔 紫瀾詩鈔ガ出版セラレタ風雅ナ和装デ卷中收ムル所數百首

ノ多キニ上ツテキル著者紫瀾藤谷哲太郎翁ハ當年六十四歲淡路洲本ニ生レ年少ノ頃其父竹溪並ニ石橋雲來ニ就キテ詩文ヲ學ビ後育英ニ從事スルコト三十餘年間今ヤ其職ヲ退キ詩ヲ以テ命トナシ優遊自適其餘生ヲ送ツテ井ル嘗テ本紙詩苑ノ投稿者トシテ熱心ニ詩ヲ寄セ來リ常ニ警句奇抜ヲ以テ稱セラレテ井タ淡路ニハ往年梁川屋巖ノ門人デ伊藤聽秋ナルモノ詩ヲ以テ其名ヲ知ラレテキタガ今亦此翁アルハ斯道ノ爲メ實ニユカシイ事デアアル(定價金壹圓五拾錢發行處兵庫縣津名郡洲本川傍町乙五〇八藤谷紫瀾說詩房)

附言

補

正 紫瀾詩鈔

詩文ノ如キハ風流ノ餘技無用ノ閑文字ト嘲ラル、ヲ恐レ卷首ニ故ラ六月十日時記念日ノ拙詩ヲ掲ゲ以テ聊カ學生諸氏ノ惜陰ノ志ヲ養ハンコトヲ期ス
是老婆心否老爺心ニ外ナラザル所以ナリ薄學寡才意到テ筆從ハザルアリ請
フ恕セヨ

著 者 敬 具

昭和五年八月

補 正 紫 瀾 詩 鈔 大 尾

昭和五年九月十日印刷
昭和五年九月十五日發行

定 價 壹 圓 五 拾 錢

補 正 紫 瀾 詩 鈔

著作兼 發行者 藤 谷 哲 太 郎
兵庫縣津名郡洲本町川傍町乙五〇八

發行所 藤 谷 紫 瀾 說 詩 房
大阪市浪速區荻原町一一八八

印刷者 井 村 雅 宥
大阪市浪速區荻原町一一八八

印刷所 井 村 印 刷 所

正誤

四五枚表三行	瓜菓	……	瓜果
四八枚裏二行	吏上	……	史上
五一枚裏三行	然燃	……	燃射
五三枚表二行	水渺	……	水雲
五七枚表九行	風雨	……	風雪
六五枚表二行	此意	……	斯意
七八枚裏六行	知己	……	好友

正誤表

正誤表

四五枚表三行	瓜菓	……	改	……	瓜果
四八枚裏二行	吏上	……	……	……	史上
五一枚裏三行	然燃	……	……	……	燃射
五三枚表二行	水渺	……	……	……	水雲
五七枚表九行	風雨	……	……	……	風雪
六五枚表二行	此意	……	……	……	斯意
七八枚裏六行	知己	……	……	……	好友
五四枚表三行	起句改	……	……	……	……

誰是凄然不感懷

終

